

Na osnovu člana 24. tačka b) Zakona o internoj reviziji institucija Bosne i Hercegovine ("Službeni glasnik", br. 27/08 i 32/12) i člana 11. Programa obuke i certificiranja internih revizora u institucijama Bosne i Hercegovine ("Službeni glasnik", br. 7/15), Centralna harmonizacijska jedinica Ministarstva finansija i trezora Bosne i Hercegovine objavljuje

**JAVNI POZIV**  
**za prijavu predavača za održavanje obuka za sticanje Certifikata ovlaštenog internog revizora u institucijama Bosne i Hercegovine**

Centralna harmonizacijska jedinica Ministarstva finansija i trezora Bosne i Hercegovine (u daljem tekstu: CHJ) poziva sve zainteresovane, koji ispunjavaju kriterije propisane Programom obuke i certificiranja internih revizora u institucijama Bosne i Hercegovine (u daljem tekstu: Program) i ovim javnim pozivom, da se prijave za održavanje obuke za sticanje Certifikata ovlaštenog internog revizora u institucijama Bosne i Hercegovine.

Obuka za sticanje Certifikata ovlaštenog internog revizora u institucijama Bosne i Hercegovine sastoji se iz teorijskog dijela obuke i pismenog ispita. Program, struktura i trajanje teorijskog dijela obuka, pismeni ispit, uslovi, obaveze i odgovornosti instruktora koji će vršiti obuke za sticanje Certifikata ovlaštenog internog revizora u institucijama Bosne i Hercegovine utvrđeni su Programom.

Izbor kvalifikovanih predavača za održavanje obuka vršit će CHJ, u skladu sa članom 11. st. (4) i (5) Programa, na osnovu dostavljenih prijava kandidata koji ispunjavaju uslove propisane članom 12. Programa. Uz prijavu kandidati za predavače prilažu potrebnu dokumentaciju (diplome, certifikate, potvrde i sl.) kojom dokazuju da su prošli odgovarajuće obuke i da posjeduju neophodna znanja za organizaciju i provođenje pojedinih vrsta modula teorijskog dijela obuke ili oblasti u okviru modula, kako je to navedeno u obrascu za prijavljivanje.

CHJ će predavačima platiti neto iznos po izvršenom akademskom satu za održano predavanje u skladu sa visinom naknade utvrđenom u članu 12. stav (1) tačka a) Odluke o utvrđivanju načina realizacije obuke i razvoja državnih službenika u institucijama BiH, koju je donijelo Vijeće ministara BiH ("Službeni glasnik BiH", broj 35/14).

Prijava predavača za obuku vršit će se na obrascu koji je dat u prilogu (OBPP). Kandidati za predavače se mogu prijaviti za izvođenje predavanja za cijeli modul ili za jednu ili više oblasti u okviru obaveznih modula teorijskog dijela obuke. Za svaki od modula teorijske obuke, CHJ imenuje jednog od predavača za voditelja obuke.


Sa kandidatima koje CHJ, na osnovu propisanih uslova, odabere za predavače, zaključit će se ugovor o angažmanu u kojem će, u skladu sa Programom, biti definisane obaveze i odgovornosti predavača, uslovi finansiranja angažmana predavača i način provjere kvaliteta obuka koju provodi CHJ.

Rok za dostavljanje prijava je 31.01.2016. godine.

Prijave se dostavljaju na adresu: Centralna harmonizacijska jedinica Ministarstva finansija i trezora BiH, Odsjek za razvoj sistema interne revizije (sa naznakom: Javni poziv za prijavu predavača), Grbavička br. 4, 71000 Sarajevo.

Javni poziv će biti objavljen na web stranici Centralne harmonizacijske jedinice Ministarstva finansija i trezora BiH: [www.mft.gov.ba](http://www.mft.gov.ba).

Broj: 02-1-33-3-394-1/15  
Sarajevo, 01.12.2015. godine



Prilog: - Obrazac za prijavu predavača (Obrazac - OBPP)

**OBRAZAC ZA PRIJAVU PREDAVAČA**

R.br.	Podaci o predavaču	
1.	Ime i prezime	
2.	Radno mjesto/pozicija	
3.	Organizacija	
4.	Stručna sprema/naučno zvanje	
5.	Godina sticanja diplome	
6.	Adresa	
7.	Telefon	
8.	Elektronska pošta (e-mail)	
9.	Diplome, certifikati, potvrde i ostali dokumenti navedeni u članu 12. Programa obuke i certificiranja internih revizora u institucijama Bosne i Hercegovine ("Službeni glasnik BiH" br. 7/15)	Naziv, broj i datum izdavanja dokumenta
		-
		-
		-
		-
		-
		-
		-

**U prilogu dostaviti original ili ovjerenu kopiju traženih dokumenata.**

Potrebno je navesti oblasti za koje je kandidat zainteresovan da bude predavač, a koje su navedene u članu 7. Programa obuke i certificiranja internih revizora u institucijama Bosne i Hercegovine.

Oblasti obuke za sticanje Certifikata ovlaštenog internog revizora u institucijama Bosne i Hercegovine	

Datum: \_\_\_\_\_

Potpis

\_\_\_\_\_